

قصر الكيان المكتئب

إبدر بذور الفرح
أيام الشتاء
تحت المطر
وإستي تجمع طرحها
يمكن عنين إتعودت
ترفع رايات الحزن
فوق قصر الكيان
تضحك بقي
نام عين وعين
واحدة بتحرس زرعتك
خليها بس مفنجلة

والتانية نص مغمضة
غير ورأديهم سوا
إياك تسيب عين تنكسر
صعب إحساس السعادة بعدها
وإن حس بذرك بالشبع
فتح عنيك سيب المطر
يملا المقل
جايز يرطب جفنها
اللي نشف بعد العياط
إلغي خريفك م السنة
الفصل فيها أربعة
إزرع شتا
وإبني بضي الشمس
نور البسمة صيف
وإحصد وروذك بابتسام

أيام ربيعك يا حزين
راح تبقى حي
وإن عشت ميت بعدها
طول السنة عندك خريف
لملم ف أوراق بهجتك
إضحك عليها ساخرا
طرحت لغيري فرحتي
بس سابت
هش يحكي سرها
وإرجع وفرغ من عنيك
كل الخزين
جاهل بيزرع فرحته
واسمه الحزين